

Alt - F ü s s e n e r B ü r g e r l i e d .

(entstanden etwa um das Jahr 1796)

1. Juni 1952

1. Auf Burger, schtandetaunters G'wehr,
D' Franzose rucket a'
Se kummet scho' bei meiner Ehr,
Beim hintere Tearle ra.
2. Verstopfet's Loch mit Dreck und Mist,
Und schiebet's Riegele für,
Und schreiet all: Herr Jesu Christ,
Wir flehen auf zu Dir!
3. Der Burgermoaster goht vora!
Potz Steara mordio!
Hot der an geale Kittel a'
Und Franze am Schapo!
4. Und hinda drei' da kummt no glei'
Der Amtmann vo' der Stadt,
Weil der de g'weichte Säbel hot,
Vom Riese Goliath.
5. Und d' Weiberleut, die hanget glei'
An d' Rathausbrüstung na,
Mit viel Geschwätz und lautem G'schroa,
Denkt jede an ihren Ma'.
6. Beim Bibelesbäck, beim Babelesbäck,
Do schtobt die Reiterei,
Und Kaspar Michels Florian,
Ischt Korporal derbei.
7. Isch dös a' Kerl, so geits kuan Kerl,
Der isch bigott so keck,
Der reisst 'm Tuifel selber glei'
De' Schwanz vom Fiedle weg.
8. Se schießet, trommlet allat zua,
Do schwenkt der Manglebäck
De' Fahne und des Michels Bua
Dreht Kügele 'us 'm Dreck.
9. Der Bibelesbäck, der Babelesbäck,
Der Bixebohle Franz,
Die schtandet scho' mit Spieß und G'wehr,
Da doba auf der Schanz.
10. Und fällt a' Bombe-Kügela,
Auf eiser Schtädtle ra,
No schreiet alle Fuirio
Und soichat dribert na.
11. Itz drucket ui und ganget hui,
Die Schießerei taugt nix,
Nimm Du dein nuie Flintenstui,
Und i' mei' Doppelbix.
12. Dös is a Bix, so geit's koa Bix,
Dia fehlt koan Hennaschoass,
Mit dera Bix do treff i nix,
Sowahr i Felix hoas.

1. Juni 1952

(Eigene Melodie)